



Moivvis doaivagii

"Go sii ledje ipmašis das, fáhkka sin ovddas čužžo guokte albmá šerres biktasiiguin. Nissonat ballájedje ja gopmirdedje ámadadju eatnama vuostái. Muhto albmá guovttos celkkiiga sidjiide: "Manne dii jábmiid gaskkas ohcabehtet su guhte lea eallimin? li son leat dáppe, son lea bajásčuožžilan jápmimis." (Lukas 24:4–6.)

Headástuvvan ja moivi leat sánit, mat govvidit Jesusa ustibiid reakšuvnna su hávddi luhtte beassášiđit. Sii headástuvve ja ballájedje, go hávdi lei rieviduvvon. Sii imaštedje, dasgo eai sáhttán ipmirdit, mii lei dáhpáhuvván. Imaštallan molsašuvai goitge badjelmearálaš riepmun, go bajásčuožžilan Kristus almmustuvai sin ovdii, ja sii ožžo ruovttoluotta oskku, doaivvu ja eallima.

Guhkesbearjadaga Jesusa lagašolbmot ledje vudjon eahpedoivui ja eatnasat sis ledje báhtaran. Máhttájeaddjit čoahkkanedje lohkkaduvvon uvssaid duohká i oahpaheaddjiset jápmima maŋŋá. Sii ledje balus ja jurddašedje, ahte sin boahhteáigi ii sáhte leat Jesusa garra galgamuša buoret.

Árrat beassášiđit dáhpáhuvai fáhkka juoidá, mii cuvkie máhttájeaddjiid olgguldas ja siskkáldas lohkaid: guoros hávddi moivvi maŋŋá sii ožžo oaidnit bajásčuožžilan Hearrá. Son, gii lei ustibiiddásis lohkan ahte lea bajásčuožžileapmi ja eallin, čájehe sánis duohtan ja ollašuttii lohpadusaidis. Báhtareaddji ja balahahkes oahppiin bohte baluhis bajásčuožžileami duođašteaddjit.

Oskumet ii leat oaidnima dahje dieđu veagas. Mii eat oskko Ipmilii, Kristusii dahje Bassi Vuignii dan dihte, ahte leat Ipmila oaidnán. Min oskumet lea Ipmila buressivdnidan, midjiide skeaŋkan addojuvvon. Dánu osku lea min siste dáhpáhuvvu imaš aivve seamma láhkai go luondu ealáska imašlaččat dálvvi maŋŋá ođđa eallimii.

Go beassážit leat dán jage kaleandaristeamet maŋŋit gidđadálvve, oážžut jo dál čalmmiineametguin duođaštit dán ođđa eallima ealáskeame luonddus. Oulu bismagotti máttimuš osiin beassážiid doallat jo guhkás ovdánan gidđaáimmus. Bismagotti davimus guovllus dálvi doallá velá luonddu čárvváidis siste. Luondu goit duođašta juohke sajis Buressivdniyeaddjistis. Ođđa eallin luonddus lea dego speadjalastin ja muittuhus ođđa eallimis Kristusis.

Beassáža illuávvudeapmi guoros hávddi šaddogárddis lea lohpadusa ollašupmi. Ipmila lohpadusat eai ollašuva dušše Biibbala láđiin ja historjjás. Dat ollašuvvet maidái otne, juohke sajis doppe, gos olbmot bohtet oasálaššan bajásčuožžileami evangeliumis. Lohpadusas mielde Kristus lea mielde doppe, gos guokte dahje golbma leat čoahkis su nammii. Lohpadusas mielde Kristus lea čihkosis, muhto duođalaččat mielde bassi eahkedaččain. Maidái min eallima uvssaid čáđa Kristus dáhttu lahkanit ja min suttolaččaid jo su árbmu olaha (sálbma 399). Duođaid Kristus bajásčuožžilan lea!

Jukka Keskitalo
Bisma
Oulu bismagoddi